



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno CCCXLVII. ad annum CCCCI.

**Parisiis, 1644**

Epistola Germinii Semariani, Adversvs Arianos.

**urn:nbn:de:hbz:466:1-15256**

236 LIBERIVS VALENTINIANVS CONCILIVM VALENS IMP.

conuentione admonitus es, exquirere, ad estimationem tuam pertinet, illis scilicet præstantibus pro sua temeritate rationem. Hæc per Secundianum presbyterum, Pullentium lectorem, & Candidianum exorcistam transmisimus caritati tuæ, decimo quinto Kalendas Ianuarii, Gratiano nobilissimo P. & Dagalaifo consulibus, exemplum penes nosretinentes.

ANNO  
CHRISTI  
366.

EPISTOLA  
GERMINII SEMIARIANI,  
ADVERSUS ARIANOS.

Dominis fratribus religiosissimis Rufiano, Palladio, Seuerino, Nichæ, Heliodoro, Romulo, Muciano & Stercorio,  
Germinius in Domino salutem.

Baro. ibid.  
num. 27.

Math. 11.

Ioan. 1.

Ioan. 5.

Ibidem.

Ioan. 14.

VITALIS nunc militantis in officio sublimis præfeturæ relatione comperimus, desiderare sanctitatem vestram significari vobis aperte, quid est quod de fide nostra Valenti, Vrsacio, Gaio & Paulo displiceat. Necessarium duxi his literis patefaciendum sanctitati vestrae, & id quod in vobis ipsis ab initio esse confido, dicere, nos hoc quod a patribus traditum accepimus, & diuinis scripturis, quod semel didicimus & quotidie docemus, Christum Dei Filium Dominum nostrum per omnia Patri similem, excepta innatiuitate, Deum de Deo, lumen de lumine, virtutem de virtute, integrum de integro, perfectum de perfecto, ante facula & ante vniuersa, quæ intelligi vel dici possunt, genitum, cuius natu-  
tatem nemo scit nisi solus Pater, ipso Filio afferente:  
*Quia nemo nouit Filium nisi Pater, neque Patrem quis nouit nisi Filius, & cui vulnerit Filius reuelare: per quem facta sunt omnia, sine quo factum est nihil, secundum diuinas voces ipsius saluatoris nostri Filii dicentis: Pater meus usque modo operatur, & ego operor. Et iterum: Quaecumque enim Pater facit, hæc & similiter Filius facit. Et iterum: Ego & Pater unus sumus. Et iterum: Qui me vidit, vidit & Patrem. Et iterum: Quomodo Pater vitam habet a semetipso, ita dedit & Filio vitam habere in semetipso. Et iterum: Sicut Pater suscitat mortuos & vivificat, ita & Filius quod vult, vivificat. Et iterum: Cre-*

ANNO CHRISTI 366. ditis in Deum, & in me credite. Et iterum: Neque enim Pater Ioan. 5. indicat quemquam, sed omne iudicium dedit Filio, ut omnes honorificent Filium, sicut honorificant Patrem. Et iterum cui Pater dixit: Faciamus hominem ad imaginem & similitudinem nostram: nec dixit, ad imaginem tuam, vel ad imaginem meam, ne aliquam dissimilitudinem in Filii sui diuinitate demonstraret, sed propterea coniunxit ad imaginem & similitudinem nostram, ut Filium suum sibi similem per omnia Deum manifestaret. Iterum euangelista: Vidi Ioan. 1. mus gloriam eius, gloriam quasi unigeniti a Patre, plenum gratia & veritate. Et Apostolus ad Corinthios: In quibus Deus 2. Cor. 4. huic saeculi excœcauit mentes infidelium, ut non resulgerent illuminatione euangelii gloriae Christi, quæ est imago Dei. Et iterum idem Apostolus: Et transluxit in regno Filii caritatis, in quo habemus redemtionem & remissionem peccatorum, qui est imago Dei inuisibilis, primogenitus omnis creature. Et iterum idem Apostolus: Hoc enim sentite in vobis quod & in Christo Iesu, qui cum Philip. 2. in forma Dei esset, non rapinam arbitratus est, sed esse aequalem Deo, sed semetipsum exinanivit, formam serui accipiens, in similitudinem hominum factus. Quis non intelligat, quia quemadmodum secundum serui formam vera fuit caro nostra in Christo, ita & in Dei forma vera sit diuinitas Patris in Filiō? Et iterum: Videte ne quis vos seducat per philosophiam & inanem fallaciam, secundum traditionem hominum, secundum elementabuius mundi, & non secundum Christum, quia in ipso habitat omnis plenitudo diuinitatis corporaliter. Si ergo omnis plenitudo diuinitatis inhabitat in Christo, iam non ex parte similis, & ex parte dissimilis, sicut nunc afferunt, qui propter contentionem suæ libidinis retrorsum abeunt, semetipos a nobis auertunt.

Nam quod putant se pro magno de diuinis scripturis proferre, ut dicant, Christum facturam & creaturam: e contrario nos secundum Scripturas dicimus, & viam, & ianuam, & lapidem offensionis, & petram scandali, & fundamentum, & brachium, & manum, & sapientiam, & verbum, & agnum, & ouem, & pastorem, & sacerdotem, & vitam, & diem, & alia. Sed hæc omnia sic intelligimus & dicimus, ut virtutes & operationes Filii Dei intelligamus, non ut diuinam eius ex Patre natuitatem huiuscemodi nominibus comparemus, quia ex nihilo

238 LIBERIVS CONCIL. SINGED. VALENT.<sup>?</sup> VALENS IMP.

omnia per Filium facta sunt, Filius autem non ex nihilo, ANNO  
sed ex Deo Patre est genitus. CHRISTI  
366.

Valentis  
variae  
notata.

Miror autem prædictum Valentem aut oblitum esse, aut certe subdole dissimulare, quid in præteritum gestum definitumq; sit. Nam sub<sup>b</sup>onæ memoria Constatio imperatore quando inter quosdam cooperat esse de fide dissensio, in conspectu eiusdem imperatoris præsentibus Georgio episcopo Alexandrinæ ecclesiæ, \* Pelusinorum, Bafilio episcopo tunc Anquiritano, præsente etiam ipso Valente & Vrsacio, & in ea prauitate post habitam usque in noctem de fide disputationem, & ad certam regulam perducetam, Marcum ab omnibus nobis electum fidem dictasse, in qua fide sic conscriptum est: Filium similem Patri per omnia, ut sanctæ dicunt & docent scripturæ: cuius integræ professioni consensimus omnes, & manu nostra subscripsimus. Si autem nunc aliquid spiritus huius mundi suggerit, ex aperto adhuc scire non possumus. Nam, ut nos professi sumus de scripturis, per omnia similem Filium Patri excepta innatuitate, exponant & illi de scripturis, quemadmodum parte similis sit, parte dissimilis. Et ideo, fratres dilectissimi, haec intrepidanter & sine mora vestræ dilectionis ad conscientiā, per Cyriacum officiale, cuius prima inuenta occasio est post Carinum diaconum, quem ad vos misi, professionem destinavi, ut per vestram quoque vigilissimam devotionem apud Deum, vniuersitatem fraternitati intimetur, ne quis fallacia diaboli laqueis ignorans implicetur. Iam vestræ est uanimitatis rescribere mihi, quid vobis sanctus Spiritus suggerat. Sane intimo caritati vestræ, me huic epistola, propterea quod manus dolorem, subscribere non potuisse: subscriendum autem mandasse fratribus & compresbyteris nostris Innocentio, Octauio, & Cato.